

T2737.7/8162 (20)

20

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

Harvard College Library/Imaging Services <http://imaging.harvard.edu>

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 10 1941

須天經事卷之二十

松寬

吏部等衙門為本

吏部尚書毛永光等謹題為

聖恩無涯父仇必報教外血統痛仰而製之

以順九泉之目奉吏部抄出原任吏部尚書

下中今請大常寺禮部大司馬等

正滿老叟朽木稿

頌天臚筆卷之二十

哈佛大學漢和
圖書館珍藏印

五湖耄叟朽來補

訟寃

吏部等衙門爲奉

旨會看疏

吏部尚書王永光等謹題爲

聖恩無涯父仇必報敬拜血疏請伸兩觀之誅
以瞑九泉之日事吏科抄出原任吏科都給
事中今贈太常寺卿魏大中次男生員魏學

公天册等 卷三十一
音階會看 世三
濂奏前事等因奉

聖旨魏學濂瀝血上書情殊可憫奏內阮大鍼
傳樞事情該部院看議來說欽此又該原任
都察院左僉都御史左光斗男生員左國柱
奏爲逆謀萬的千真父冤一字一淚事等因
奉

聖旨傳樞阮大鍼已有旨下部看議這奏并看
了來說欽此欽遵通抄到部該_臣等會同都
察院曹于汴等看得左國柱魏學濂俱以爲

父被極冤陳議 闕下情詞瀝血慘動域中
而所指下手冤對則指爲阮大鍼傳樞挺身
應募明作禍魁先借汪文言爲諸賢併命之
仇託傳應星爲內外交通之線不過染指好
官寃而殺人取媚遂致 朝廷統憲掖瓊之
忠臣苦極析楊慘同巒割乃今

聖明御宇大憝肅清而大鍼猶肆口合算之疏
傳樞尚覲顏列卿之席細考前後會核公評
豈容復玷官聯尚襲冠帶當盡考功之法以

伸孝子之情俱當削籍為民永不叙用者也

臣等無任激切待

命之至

原任福建道監察御史周宗建男生員

周廷祚周廷祉謹 奏為 臣父首折逆鋒

被禍尤慘璫罪既彰父冤宜雪謹瀝血上

籲仰祈

聖鑒疏

臣父周宗建職居言路性秉孤忠首發逆璫

魏忠賢必至之禍橫罹陷賊慘訊殞命在 臣

父殺身報 國無負夙心獨 臣等痛父之冤

血淚迸竭延喘旦夕萬苦難言今幸遇

聖明御極離照當天盡燭逆瑞大惡深憫諸臣
極寬屢奉

聖諭憐及 詔獄幽冤一則曰借 旨擅殺敢
諫忠直之臣一則曰串同心腹酷刑嚴拷誣
捏賊私立斃多命近科臣祖重燁疏稱臣父
首攻魏忠賢客氏在楊漣之先禍慘功烈奉
有 明旨內云周宗建擊邪慘死着與優卹
科臣顏繼祖疏稱臣父冤死獄中復奉 明
旨內云受禍獨酷着早與贈蔭以慰忠冤臣

等捧誦 綸音拊心感涕猶不披瀝控陳則
臣父于諸臣中糾逆獨先之忠于諸冤死臣
中被禍獨慘之狀于立身居官極清極直之
操俱含泣九泉無以自白臣等尚得爲人子
乎敢冒死爲

皇上陳之臣父直隸蘇州府吳江縣人中萬曆
癸丑進士甲寅授浙江武康知縣兼攝德清
丙辰以異等調繁仁和飲水勵職潔已愛民
歲舉卓異三邑尸祝廉明之稱遠走海內已

未留部考選辛酉荷蒙

先帝簡擢御史維時逆惡魏忠賢原名進忠竊
弄太阿浸擅生殺要結客氏表裏爲奸一時
廷臣惕懾其威卽有懷忠抱憤者相顧莫敢
先發臣父義激于中謂
九廟神靈呵護之

熹皇何忍爲逆璫狎侮

二祖

列宗珍重之 絲綸何忍爲逆璫矯竊二百六

十餘年培植之士氣何忍爲逆璫摧殘及今
不急請誅鋤勢必上累

聖治下毒衣冠貽禍

宗社追悔無及于是因雨雹示警首發其奸此
壬戌四月二十九日疏也忠賢恨臣父值

先帝文華殿撤講後摘疏中千人所指一丁不
識兩語詬詈之聲直達

宸聽卽欲殺臣父杖下賴輔臣葉向高韓爌等
申救以免而忠賢固未肯須臾忘也自是忠

賢威福日甚于是臣父決以死爭之癸亥二月二十七日復有直請鋤斥以清宮禁以絕禍本一疏忠賢益恨臣父入髓至請削髮爲僧以激

先帝之怒遂矯嚴旨責令回話臣父隨于本月二十九日據實直言毫無顧忌自誓一日在朝必當一日盡言擊賊不與俱生又見關通線索俱繇客氏則臣父又在諸臣一字未及時先于辛酉九月二十八日有請罷入

宮之疏忠賢于臣父誠不兩立之勢矣隨奉差按楚旋丁艱在籍迨後兩載甲子六月楊璉劾忠賢二十四罪相繼補牘不下數十餘人每引臣父疏語爲証于是忠賢之恨臣父欲殺臣父尤不能一朝待矣遂遍囑所私中臣父以竒禍一時清議尚在無肯應者乃首募極貪極邪士類不齒之曹欽程結爲義子啖以美官無端傾陷指及作令賊私而削奪勘追之

命下矣臣父五年縣令一介不污乃欲于八年
離任之久考選七年之後駕空誣為狼籍安
所據乎撫臣毛一鷺承望風旨移文搜索而
藩臬有司百口昭雪三邑士民聚萬訟冤案
墨具在足憑也一鷺無隙可尋勉強坐賠該
縣公費并奪俸貲追銀一千二百五十兩而
臣家三世百畝之傳盡矣忠賢猶以勘問未
足殺臣父又授意腹璫李實巧摭惡噴狼下
殺機旋即矯旨扭解來京究問緹騎縱橫

多人威詐而臣家寸絲尺縷無不充官旗之
橐者及下鎮撫司逆黨許顯純崔應元等首
責臣父云汝是首發禍種又辦着極刑待汝
遂炮烙酷加筋脉斷絕較之夾拶棍杖倍極
慘毒更可異者拷掠時乃有名為聽記者儼
倨堂上指揮授意又有名為打事件者絡繹
道路每一打問必得忠賢命然後發落萬千
威逼臣父寧死不屈而顯純等竟懸坐贓銀
五千二百五十兩然忠賢猶未快也更矯

旨盡數窮追昨日傷殘剩骨復遭慘訊奇兇
 再訊之酷臣言之而腸已寸裂矣尤可痛者
 燬煉羅織無處下手橫判云但其作縣未久
 再坐追贓七千兩隨勒限追比子身莫措幸
 仗義者共憐臣父清貧各相湊助僅完銀三
 千三百六兩三錢仍復五日一嚴刑迫臣父
 立就鬼錄酷暑蒸腐肢體殘落且臣父于六
 月十八日斃獄獨至二十四日方許領埋身
 填牢戶屍供蠅蛆視諸臣猶得以血濺囚服

裹置棺內而臣父一絲不掛身首零落此則
 半生忠直首折逆奸之結果也臣等扶櫬歸
 家李實捏造抄斬之說臣八旬祖母號痛立
 絕九齡幼妹驚仆隨殞方無以備衣衾而部
 劊追贓星火下矣有司希奉忠賢追呼百出
 勢同剪滅臣母寄跡親族親族懼禍不敢收
臣等流散客舍客舍畏威不容入命懸呼吸
 危苦無申未了遺贓析骸莫應于是身不自
 主行乞求憐波累親知聚族苦湊又陸續共

完銀六千五百六十兩分毫之積奚啻血髓
哉幸在未經奏

聞之列望

皇上以憐萬燦者憐臣父釋此誣捏之賊也嗟乎
逆奸播毒殺其身不快必極其求死不得而
後殺之殺其父不快又及其子之求完不得
而欲盡殺之臣非逆族何以有此自古仗節
死義者指斥奸佞碎首何辭獨臣父于忠賢
威焰方張之日當先摘發爾時倘邀

先帝採擇立 賜誅戮應不至虐害忠良幾危
宗社一至于斯是臣父實曲突徙薪之見殺其
身至此極矣臣父前後奏疏具在

御前

皇上試一 睿覽當知臣父之鋤逆首倡于諸
臣父之受禍亦倍烈于諸臣今日荷蒙

聖諭議褒贈議廕卹臣父亦望有倍出于諸臣
之列者查得

武宗朝吏科給事中周璽疏劾逆璫劉瑾專權

公天册集 卷三
擅政罔上行私瑾恨之遂計串錦衣指揮楊
玉誣璽茂視使臣矯制下獄處死後瑾伏誅
隨蒙

諭祭至

世宗肅皇帝又特賜諭祭謚忠愍建專祠廕子
廕孫臣父事體委與相同而首發逆奸孤忠
較著兩月酷訊百慘備嘗伏乞

皇上俯憐未瞑忠魂 特下該部查照前例卽
將臣父從優具覆庶

皇上表忠之典不致下鬱而舉 朝秉義之公

共有同心也臣祖臣父原受

勅命四道向經追奪并祈

皇上給還其魏忠賢罪惡通天逆謀顯露更當
闔門寸斬以謝天下其未殲逆黨曹欽程李
實許顯純崔應元等立

賜誅夷以彰大罪以正 國法此非臣等私仇
所當言實則人人之所共憤也臣等無任瀝
血哀懇待

命之至

崇禎元年三月初九日具題奉

聖旨周宗建首折逆奸慘死可憫着該部從優
卹廕誣坐贓銀准與豁免仍補還勅命以旌
忠直附惡諸奸已有旨處分該部知道

原任福建道御史贈太僕寺卿周宗建男

生員

臣

周廷祚周廷祉謹奏爲懇矜首忠
俯賜全卹以光泉壤以瞑忠目疏

臣等于前月初九有

臣

父首折逆鋒被旤
尤慘一疏奉

聖旨周宗建首折逆奸慘死可憫着該部從優
卹廕誣坐贓銀准與豁免仍補還勅命以旌
忠直附惡諸奸已有旨處分該部知道欽此
臣等恭誦 綸音感激涕下而猶不得不哀

控于

皇上之前者誠以臣父之殺身實倍有苦焉臣

父三疏攻大逆極惡禍國震主之魏忠賢

一疏斥潛通線索蠱惑作奸之容氏一疏糾

典兵賣威蟠結羽翼之劉朝俱在諸臣一字

未及之先前後五疏歷數其必至之禍因已

言言皆驗豈不知逆謀已集毒焰方張擊之

者碎犯之者死而臣父身首壘粉攻之惟恐

後者實冀

先帝洞察有裨

君國持此赤心以見

二祖

列宗于地下可無愧矣豈期有今日之昭雪哉

一旦天開

聖明磔逆誅兇卹忠起廢見吏部覆疏內已槩

叙臣父于諸寃死臣中贈官錄後其應得祭

葬具有成例請移禮工二部

皇恩浩蕩生死共沾顧臣等含哀邸次深有餘

洞則以臣父之死也當兩月酷訊百慘備嘗
 之後氣僅一絲未斷猶柙之夜半覆以沙囊
 更墜重石兇卒猙獰環立取命且時極暑炎
 故遲多日拋屍犴竇肢體敗殘未整遺骸慌
 投朽木迨至負骨遠歸已罹誣賊苛比正苦
 立錐無地有誰窺窳可安憑棺萬痛借頓荒
 阡視彼一坏得覆尚有夜臺足泣而臣父魂
 淒風雨忍使冤鬼終飄更以臣父清絕一塵
 家空四壁臣祖數年未厝祖母痛難殞身三

棺在暴泚顙盡心此誠無告之孤煢而

皇上之所不忍聞者也

皇上于起廢諸臣猶重以首遭璫擯而亟予登

庸矧臣父當先擊賊以義殉身乃不沐

皇上全卹之典哉查得

世廟時兵部員外楊繼盛疏忤奸輔嚴嵩繫獄

殪死

武廟時吏科給事中周璽疏忤逆璫劉瑾逮獄

處死後皆得 欽賜祭葬贈廕建專祠謚忠

公孫氏傳 卷二十一
二六十八
愍又伏讀 大明會典內一款凡以死勤事
若抗節不屈身死綱常者犯顏諫爭身死國
是者開具實蹟卹典取自

上裁夫 臣父孤忠抗疏首發逆謀逮獄誣賊致

成慘殺此先機遘禍其心有最苦者伏乞

勅下禮工二部准照例子以應得祭葬專祠卽

賜具覆庶首忠得以自表而貞菟不致無依

矣至易名之典則鄉有輿評 朝有公論 臣

父生平當耿耿人心也又捧誦

明旨誣坐賊銀准與豁免計 臣父于鎮撫司酷

追銀三千三百六兩三錢父死之後又于本

籍嚴比現追銀七千六百十兩在萬燥有解

到全給之例在楊璉于蠲免外現追數內又

憫給銀五百兩憐卹 臣父惟在

聖明 臣等無任瀝血哀懇待

命之至

崇禎元年四月初九日具題奉

聖旨周宗建三疏發逆忠鯁尤著所請全卹着

公天賦筆 卷三十一
該部酌給仍於贓銀蠲免外准給銀五百兩
以昭憐憫該部知道

原任山東道監察御史今贈太僕寺卿黃

尊素長男生員臣黃宗義謹奏爲恭謝

聖恩哀陳父節仰祈

聖鑒垂憐并殛造謀二逆以伸孝思以快公憤
疏

臣父黃尊素秉正嫉邪攻發逆璫魏忠賢罪

惡被逮死獄臣從舞象之年招魂歸里泣血

至今靡寧朝夕伏覩

皇上踐祚離照當天大奸距脫此直臣冤抑見

伸千載一時也立起赴

闕訟臣

父寃比至

則已奉

明旨下部議臣

父寃死直節贈官

錄後生死蒙

恩感泣何能自已第念臣

父

抱痛九泉臣

腐心三載敢無一言哀控于

皇上之前臣

父中萬曆丙辰進士授寧國府推

官壬戌考選除山東道監察御史侃侃直節

自持入班未踰一載而疏凡十三上悉中逆

奸之隱時魏逆與客氏表裏為奸形已厝火

勢必燎原臣

父預抱隱憂因災異示警直陳

時政得失謂阿保重於趙嬈禁旅近於唐末

蕭牆之憂慘於戎敵毫末不札將尋斧柯當

奉嚴旨切責此甲子三月初六日疏也至

毒燄方張漸不可制于六月初九日復上

聖斷不可不蚤一疏謂忠賢與其私人柴柵既

深螫辣誰何勢必臺諫折之不足即干戈取

之亦難請

先帝嘿察人情自為

國計即日罷忠賢厥務

于是忠賢不殺臣

父不已臣

父亦自分必死

而後已也至七月初十日業已杖死工部郎
中萬燦臣父首上士氣已竭一疏論奸人必
借廷杖以快其私將爲所欲爲莫有顧忌
而禍移諸國且曰生臣死臣勿敢計而魏
逆殺臣父之心益不能須臾待矣時尚衆羣
朝雖逢所甚怒得不即同燦死者皆諸正臣
救護力也未幾彪虎縱橫有希旨逆徒爲忌
賢義子曹欽程首發大難於內腹心李實羅
織無端於外交口讎誣取

中旨如寄倏而削奪倏而逮繫矣時值緹騎激
變於姑蘇畱滯不前臣父聞之即拊心自念
忠良總人臣之義生死皆

君父之恩即日投呈按臣齋本步行至京就繫
一段慷慨不避之槩臣言之而未盡也迨下
鎮撫司打問許顯純崔應元承順逆指酷刑
嚴拷體無完膚誣坐賊銀二千八百兩臣痛
父血比遍貸臣鄉之商于京者并父之同年
門至差足交賊將完而殺機遂決矣一日獄

卒告

臣

父曰內傳今夜取汝命汝有後事可

即書以遺寄

臣

父乃于三木囊身之時北向

叩頭謝

恩從容賦絕命詩一首中有正氣

長留海嶽愁浩然一往復何求等語自是而

臣

父命畢於是夕矣噫黑盆蒙面巨索縋胸

何等奇慘而猶以病故欺

先帝此

臣

辛酸酷烈日夜悲憤不能不哀控于

我

皇上者也然

臣

父之慘死雖繇逆璫恣擅實附

逆之欽程李實借以希榮同謀殺人有律尚

可爲大奸遲一日死乎且曹欽程管陵工

神木廠二役侵匿不下數十萬李實蘇杭織

造侵盜不啻百餘萬坐擁巨貲殺人草菅誠

舉朝公憤所不容者乃李實欲卸罪於李

永貞嗾孫昇出爲質辦豈明明三尺可爲逆

璫詭脫地耶伏乞

勅下部院查

臣

父前後奏疏果否預折逆萌

臣

父殺身果否欽程李實陷害速逮欽程與李

實立正典刑上扶國憲仍將兩奸貲產沒入助邊使臣父清節直氣大著於時則願忠者衆小人之兇鋒惡燄明肆諸市則爲不肖者警亦以禪聖政於萬一也臣無任瀝血哀陳待命之至

崇禎元年三月

日具題奉

聖旨黃宗羲奏謝知道了曹欽程李寶等已屢有旨處分該衙門知道

原任都察院左都御史楊漣男楊之易奏爲恭謝天恩泣稱冤苦伏乞聖鑒以明臣節疏

臣父楊漣孤介性成忠貞自勵初任常熟縣知縣考察天下清官第一人選授戶科給事中候命七年實補兵垣當

皇考光宗朝三蒙特召親承顧命隨

先帝鼎成以移宮一事杜漸防微憂危六月髮鬚頓是皤然不敢居功因請歸田里越二

年以禮科 召還由太常寺卿陞副都御史
每思 恩重身輕誓圖仰報遂以逆璫一擊
遭羣奸百計朋殺荷蒙

皇上特賜矜憐屢諭優卹起旣死于九原俾餘
生于再造是知臣父之苦者惟我

皇上而臣父之冤苦敢不爲我

皇上告乎自二十四罪之疏上首破逆璫之膽
日夜合筭思死臣父故狼狽歸里束身待斃
而逆璫之怒不休果借封疆題目而逮繫之

旨下矣時值酷暑鈕鎖銀鐺慘如炮烙城郭
士民闐然激變臣父四向叩頭告以

君臣大義始得解散入別孀母出就檻車明知
必死輿櫬偕行雖沿途村居城市焚香設醮
保其生還而匹夫匹婦之心安能回在廷在
內之計乎及至 都城竟下鎮撫拷打鍛鍊
皮綻骨斷懸贓二萬不時研比死而復甦臣

父大叱許顯純曰熊廷弼初在遼陽我有叅
疏及廣寧陷後我爲奉 命而出失事而入

公天賜集 卷二
敢辭一死之語廷弼恨欲殺我此豈受賄爲
營脫者若夫移宮始末曲突徒薪

皇天后土鑒臣熱腸昧心殺人狗彘不食汝肉
顯純大怒竟將頭面亂打齒頰盡脫臣父罵

不絕口仍加鐵釘貫胷立刻處死挨延七日
始得領埋止存血衣數片殘骨一具傷哉臣

父止爲臣社稷鋤姦何苦遭此極慘乃遊魂
孤子奄奄旅舍而撫按追賍之臣旨又下臣

父家世清貧平日尚多稱貸并臣伯父楊清

分產盡没入官不足千金祖母漂寄于城樓
父棺暴露于荒野母子兄弟計惟駢死知府
李行志不避偵邏親書募文知縣夏之令四
門設櫃捐俸首倡士民憐忠傾家樂助完及
一萬餘兩後欠之數周應秋巧逢璫惡勒限
四月催檄如火羅織無休老僕笞死幼弟驚
殂誣賍總欲污名合郡慘過抄没

皇上試念諸臣追賍何以尚有未辦未完者俱

叨

聖恩蠲免而臣赤貧之家何獨報解如期止緣
臣父觸兇最早追迫之苦百倍諸臣自難逃
于

聖鑒矣尤不忍見聞者爰書之媚疏一出赤族
之誅傳聞風起偵邏四布人避如疫豈止臣
家鬼哭神號凡屬姻親妻竄子離以致臣伯
楊清數日殞命種種積苦心痛難言即

聖明御宇之初而臣不敢匍匐叩 闈者彼時
護璫餘黨布列在位臣等未敢稱寃今覩

日月重明魑魅潛形臣敢苦次瀝血兩疏上陳

恭謝

天恩伏乞

皇上慈鑒臣父報 國始終受禍緣繇急

勅法司將附逆殺人之罪明正典刑始申

朝廷三尺之法得瞑寃臣九泉之目爲此激

切控訴待

命之至

崇禎元年十一月初八日奉

聖旨

原任左副都御史楊漣男生員楊之易楊
之斌奏爲羣兇構陷千般孤臣冤死萬狀
冒死籲 天懇乞 聖明大彰 國法以
慰冤寃疏

竊惟人臣致身報 國何惜一死惟死而不
明死之故及致死之人更當

堯舜在上 優卹特加而死不明子又隱忍畏
禍不敢出一言以明之豈惟可惜真可痛耳
從來亂臣賊子欲舉天下第一等事必先除

天下第一礙手之人故逆璫蓄謀無將人第
知于甲子數年以後臣父知于天啓元年以
前思患預防在兵科時即有疏叅魏進忠進
忠者忠賢之原名也自臣父去國三年忠賢
羽翼已成殺機浸露不得已棄身家拚性命
直陳逆惡二十四罪一以冀

先帝之悟一以解中外之變庶幾仰副

光宗報几前受命再起田間之大恩耳乃
擊賊不勝而賊謀轉毒魏廣微以門生秦士

文偵知

臣

父復有叅疏投柄佐逆而通天老

猾殺人最狠之徐大化正欲投權又有貲孽
田弘滋乘機挑激于是深怨積恨居間串合
教之升木教之同心教之放開手眼廣募死
士而臣父無死所矣命梁夢環舉汪文言舊
網而詔獄復興創謀之楊維垣應募入幕
感恩圖報一出封疆之計一出移宮之計徐
大化遂兩收之以受賄逮移宮殺爲身亡家
破之計又乘未到預捏口單當先一疏奉

旨逮問霍維華即隨疏倡和諸奸協力政府
集成忠賢喜其事情重大鍛鍊周詳特調許
顯純崔應元主其疏脏指掌緹騎網羅先殺
文言以滅活口又勒限獄官以索死命臣父
既死廣微膽落而賈繼春復出獻奇策曰我
有一計能欺天下後世皆以楊漣爲該殺盖
不以叅忠賢爲借題則楊漣之殺爲非法不
狃定移宮貫串王安在內則楊漣之死爲無
名于是盡反向疏之所云居間書札之所云

借攻倒戈橫劇請創爰書此非諸奸朋謀設
弄通內殺人之罪案哉罪案自完又值

皇上秦鏡當空稽奸安所逃罪轉生一計曰不
若堅持新說但不死于法吏而死于詔獄
死處難赦慘處誰憐既不悖優卹明旨又
不露攢殺本相更有忠賢顯純塞責仍思縱
橫顛倒作事外假公道之人故維垣借叅罪
樞之名邀旨站脚既下王安一着以巧當
于先又恐公道漸著獨力難支則借起廢之

明旨急引朋謀殺人之徐大化霍維華阮大
鉞而用之于繼春且不次陞遷焉繼春自揣
幻術已破清議難容急薦多人番身兩截遠
倡近和曰此前後忤璫者也此不入門戶者
也嗟乎冤哉首擊元兇身亡家破生死仳離
者橫目爲通內之人內外呼應好官由我殺
人如麻者反指爲忤璫之人

聖明在上尚作如此舉動則當年之加刃臣父

尚待臣言之畢哉通內殺人無可調停之法

大逆不道無分首從之法伏乞

皇上下奮輒綱將主謀導逆下石加功諸奸照

律定罪並振天誅以爲屠戮忠良傾危

宗社者之戒外臣父獄中絕筆一書悉移宮始

末遺字一紙述徐大化銜恨緣繇血肉淋漓

中原草不敢輕呈謹抄謄恭進

御覽更祈

勅下史館以備採擇施行

崇禎元年十一月初八日奉

原任左僉都御史左光斗男生員左國柱
奏爲逆謀萬的千真父寃一字一淚疏

臣父之死阮大鍼傳櫬其主謀者也魏廣微

其下手者也楊維垣霍維華其加工下石者

也臣請畢陳其槩東廠理刑傳繼教認魏忠

賢野子傳應星爲兄弟招搖權貴傳櫬以同

姓兄弟應阮大鍼以異姓兄弟應顯肆驅除

陰圖位置巧停工科周士樸之陞遷以那阮

大鍼吏垣之序轉事洩喧傳則疑臣父之同

鄉發其謀而嗾傅魁以論張鵬雲臣父與魏大中俱不免矣魁誣疏之日正逆璫進香涿州大鉞叩首馬前密謀幕內之臣一時中旨迭出臺省交章楊漣二十四罪疏所云叩馬獻策那移叙陞蓋指大鉞而內變外發外呼內應蓋指傅魁也自後殺者殺戍者戍配者配削奪者削奪傅魁以比暱一疏開殺人之端大鉞以合算一疏結殺人之局着着關通矢矢可中此阮大鉞傅魁結忠賢主謀殺

臣父之一案也忠賢疑楊漣疏與聞臣父魏

廣微切齒門生宰相四字兩魏同心密計以

今日不殺楊左則後日大事不成不狃定題

目則楊左難殺不先行削奪廣開招募則殺

楊左之人不來殺楊左之計不出于是月費

千金散兩家門役打探動定遂以矯旨逐

趙南星等臣父籲天草疏叅魏忠賢魏廣

微交通不法狀遂預借會推削奪而徐大化

楊維垣霍維華等來乃有封疆移宮之奇禍

出矣議誰發難仍用詔獄之汪文言議誰主
 獄仍煩心腹之許顯純欲逮即逮欲殺即殺
 案詞不必面供對簿不必活口又恐命難速
 斷則借贓毒比勒限時日此魏廣微結忠賢
 下手殺臣父之一案也臣父死非其罪諸奸
 愈不得平心又相與創立爰書刊布要典口
 口傾危 宮闈而原疏加恩等語則削除不
 載口口株連侍從而救株連之時使非就裏
 調護臣家幾無噍類此楊維垣霍維華賈繼

春等結忠賢加工下石殺臣父之一案也三
 案昭然而

聖明御宇諸奸心膽墮地與其辨已之非朋殺
 不若硬坐臣父之當殺故楊維垣攘臂參罪
 樞之積惡藏殺人之凶身而大鉞等惟恐始
 謀之發力收後勁之功千言萬語題目總是
 受賄移宮精神却在通內

皇上試拘大鉞等而問之臣父受廷弼之賄何
 以不救廷弼一字移宮陞何官邀何賞通王

安做何事且忠賢殺戮之人何以爲通忠賢
之人文言四年三下詔獄之人何以爲臣父
用以通忠賢之人更問大鉞若不通內同鄉
并掃時何獨穩步京堂加銜太僕李魯生倪
文煥之薦何芥相投

先帝彌留之時 溫旨何途得出周士樸之陞
遷何以停吏垣之手眼何以換若不通內殺
人何大鉞所欲殺者忠賢盡殺忠賢所欲殺
者大鉞抵死以爲該殺忠賢之擔誰迫之而

使不得不挑 優卹之旨誰迫之而使不得
不反中途之疏誰迫之而使不得不爭局于
旦夕前此鐵面剛腸之薦誰迫之而使不得
不自爲矛盾此亦情見乎詞不訊自供矣懇
乞

皇上下奮軔剛將主謀之阮大鉞傳襪直窮到
底急正典刑更將下手加工下石諸奸用正
厥辜元凶得情不誅孤臣百叩不反臣無任
哀痛號泣待

命之至

崇禎元年十月

日奉

聖旨傳樞阮大鍼已有旨下部看議這奏并看了來說該部知道

原任吏科都給事中今贈太常寺卿魏大中次男生員魏學濂謹奏爲恭謝 天恩并陳家難仰祈 聖鑒疏
逆璫肆禍最毒先臣大中蒙禍尤先
聖明在上奸亟忠昭頻傳

聖諭優卹慘死維時先臣之寃未盡湔雪 臣迫欲登 聞瀝血 闕下第恐蹟涉陳乞反拚皇上自行卹忠之意且失先臣生時恬退之心故在疚嬛嬛靜聽 明旨而

皇上先後俞臺省之請部院之覆先臣蒙 贈
廕祭葬又奉 旨全給謚廕建祠賜額是先
臣生而心丹死而血碧

皇上廉其生愍其死而寬白先臣雖不可作必
銜

天恩於地下况

臣

覩留餘生者哉顧先臣之

卹殊優正以先臣之死殊慘

皇上且以慘死而卹之

臣

忍不以慘死者籲之

皇上先臣自少貧孤惇惇靡托擷菜爲糜紉簞

爲被雖四壁無有也通籍之後不改窮素居

鄉每絕干及奉

使輒謝贈貽督浚城濠巡

視節慎剔蠹減費靡弗殫心巡青則省價存

羨約計四萬餘金一生硜硜類如此至癸霍

丘縣官之餽則苞苴之及門尤恥而必卻者

也死竟坐賄三千三百餘金遼陽之陷楊鎬

等奉 旨從寬議處先臣疏爭鎬卒長繫後

鎬及熊廷弼等奉 旨貸以不死先臣於

朝審日堅不盡題且爲刑垣具公疏而議定

則口口辟諸縲臣天下共耳目也死竟坐楊
鎬熊廷弼賄三千三百餘金天乎冤哉蓋先
臣廷奸者百端奸人殺先臣者亦百端 奏
短憾長臣不敢違式入告試且以先臣之死
與臣兄學泚之殉先臣以死者陳之而臣讐
已見弗可弗報矣先臣之被逮也舉家驚痛
臣母屢絕屢甦諸孤訣於水滸絞腸如輪恨
不得父子兄弟相抱一慟俱斃而先臣怡怡
就道眉不爲顰會大風雨屋瓦皆飛父老子

弟送者數萬綿繹於途呼聲動地魚然緹騎
亦爲涕零臣兄躑躅赴難不敢同行變易姓
名夜趨晝伏得不死於邏卒手者幾希先臣
擲下 詔獄則受窘奸弁且詬且訶弛柙受
拶弛籙受夾弛拶與夾仍籙柙受棍暑日炎
炎煨煉竟日先臣有死不承如明心堂豈是
昧心堂數語即東廠聽記者也許顯純崔應
元竟爲誣服詞具 奏而不時追比之 嚴
旨下矣先臣指斷脛裂股大於腰疊棍所中

公天賦集 卷三
結爲黑丁斯爲深坎不一再宿復棍棍擊赤
肉肉敗蛆生淋漓零落墮堵上者魄如斗蓋
嚴刑之下既無力圖生且無力圖死顯純等
既酷掠以促之而微喘猶屬則使管事官二
人入獄不知何以拚殺而徐以病故 聞殷
雷溽暑 旨下遲遲越六七日出屍牢穴骸
漲而黑面與鼻平幾不成殮爾時邑人尚爭
爲先臣設醮諸孤日冀父生還亡何而 臣兄
已扶櫬歸矣兄弟相見焦府寸裂 臣兄曰侍

生父往竟侍死父還視父死杖下不能救生
不如死於是昕夕號咷水不入口哭而病病
復哭每至丙夜淚盡舌枯 臣以漿進鄰之曰
父詔獄中誰夜半而進之漿者乃號咷至于
死嗟乎甫悲父亡不踰月而兄續 臣血耗神
悸自分死亡而追比復迫將欲傾家以償而
無家也服物徧鬻細及七箸弗抵萬一幸里
中助以醵錢縣官多方補措二三交好不避
餘沫之濺而竭其忠始得承不孥之 恩既

公天賜等 卷三
經蕩析織子靡遺兩櫬並暴郊原數口分餽
親故嫠孤自計此生飽煖已難再得矣幸遇
聖明於慘死諸臣 恩無不深於慘死諸臣子
孫憤無不洩先臣特蒙 優異故 臣 行乞入
都謝

皇上而告其哀竊痛先臣刻苦一生伶仃九死

臣 兄以身殉父禍更洊臻

先帝得什死忠之臣獨先臣得一死孝之子

皇上忠無不卹孝自當旌 臣 烏敢請第先臣兄

奉 旨祭葬建祠倘得祔於墓祭配於祠則
臣 之私也

崇禎元年十月初十日上

十四日奉

聖旨覽奏魏大中慘死情狀殊惻朕心魏學洙
殉孝捐軀不愧忠後祔葬配祭聽從所請昭
朕孝治天下之意該部知道

原任吏科都給事中今贈太常寺卿魏大

中次男生員魏學濂謹奏為恭謝

聖恩無涯父讐必報敬拜血疏請伸兩觀之誅
以瞑九原之目疏

臣家難較諸臣倍慘

聖恩較諸臣亦倍優使非逆璫煽禍而義甥義

子義孫教以殺人之法予以殺人之券則先

臣之忠不於死著又何有臣兄之孝故臣念

聖恩之所以優彌痛家難之所以慘父兄有讐

公天册集 卷二
矢不共戴能禁嚙血長號磬磬

皇上之前哉先臣潔已循法動而撓忌凡題冒
濫之恩節虛靡之費皆不避有力有口而滋
衆怨衆怒者也至請辟纍囚則懟鬻獄之王
德完請簡卿寺則懟撓撫之王紹徽攻媚客
氏之沈淮則因懟客氏攻庇崔文昇之方從
哲則因懟文昇先臣之嫉奸者旣甚奸人之
嫉先臣者亦從此眈眈而傾危之阮大鍼遂
兄事忠賢之甥傅應星傅繼教以固援於內

并率傅櫬兄事應星繼教以植黨於外旣夜
叩忠賢於涿州進百官圖旁簽王振劉瑾故
事導之殺人以肆毒於外又嗾傅櫬道傷伏
謁忠賢借長安共往共來之汪文言爲阱於
國中以授題於內而先臣適見逆謀不靖
先帝孤立 皇子 列嬪之死生悉寄於忠賢
客氏之喜怒禍釀於密非所忍言故疏列
懷冲太子 裕妃胡貴人三事入 告且連
引傅應星陳居恭傅繼教諸逆孽旣觸忠賢

客氏之機正入大鉞傅樾之彀疏 奏立頃
卽傳下獄輔臣韓爌封還得擬罰俸而忠賢
殺先臣之心已甘之矣崔呈秀則又疑先臣
與聞其革職魏廣微則又銜先臣直糾其失
儀所以廣微之姻家陳九疇以寺臣謝應祥
之推撫攻逮先臣於前呈秀之私人倪文煥
以銓臣周順昌之訂姻促殺先臣於後總之
殺機旣發不過兒女之姻師友之雅俱可坐
爲死罪然亦以見先臣之皜皜而殺先臣者

之窮於策也獨阮大鉞傅樾終以攘缺訾先
臣此其故先臣原疏甚辯大鉞移疾未幾兼
行入都不難遲劉弘化之艱使弗聞不難尼
周士樸之陞使弗下迨弘化去而大鉞補大
鉞去而先臣補夫亦先臣之缺大鉞攘之而
大鉞之缺先臣特補之云爾乃旣圖先臣于
生前又欲戮先臣于死後先臣苟非大鉞等
之讐彼何必如是下手大鉞等苟非先臣之
讐臣又何必如是痛心第觀借一汪文言以

殺諸臣梁夢環實應傅魁之着而鎮撫追賊
諸臣家傾而身殞魏忠賢實按阮大鍼之圖
計及此而諸臣之怨對忠賢呈秀其從而大
鍼傳魁其首矣故臣非不願

皇上籍魏廣微之家亟棄倪文煥梁夢環於市
陳九疇從重處分逮崔應元究何以揜殺諸
臣而臣恨未及齮阮大鍼傳魁之肉茲且弗
遑問也伏乞 勅下部院提阮大鍼傳魁鞫
其入幕獨先實衍義子義孫之派而下石有

據當償殺兄殺父之寃魏忠賢許顯純既已
正刑幸以首臣賜臣俾臣借慘死諸臣子孫
於鎮撫司牢穴前呼其先人哭踊澆奠若臣
不孝不弟既不能殉父兄九原又不能尋讐
於逆焰燼天之日顧當諸奸既敗復懇
聖明赫焉斯怒庸豎子

聖世所不容并乞

皇上殛臣以謝臣父兄與父兄之讐蓋

皇上縱不殛臣亦終不免於阮大鍼傳魁而

反不得死地也臣泣血三年停血萬斛今始
灑向

聖明無任痛哭待

命之至

崇禎元年十月初十日上

十四日奉

聖旨魏學濂瀝血上書情殊可憫奏內阮大鍼
傅樾事情部院看議來說

原任左春坊左諭德今贈詹事府詹事繆
昌期男生員繆虛白爲恭謝

天恩并陳先臣慘死顛末懇乞 聖鑒以表忠
節疏

臣竊思逆璫魏忠賢兆殺忠義株連遍及賴
宗社之靈篤生

皇上誅逆褒忠臣一門生全皆

皇上之賜也感激流涕臣復何言但天下知先
臣之慘死而未知所以死者大節未明雖死

銜恨敢瀝血陳之臣父繆昌期繇萬曆癸丑
進士授簡討歷陞左春坊左諭德生平正直
不顧嫌怨爲吉士時見時事不平輒憤惋昌
言以故忌者擠歸迨復職未幾目擊逆璫魏
忠賢矯竊 詔旨擅作威福先臣早爲寒心
適副院楊漣僉院左光斗過先臣旅邸相顧
歎息共圖剪惡二臣曰不去此賊無以報國
先臣曰首輔葉向高見蒙

先帝委任力能驅除大憝若外庭先抗疏列其
罪狀而後輔臣援外庭公論面奏

先帝立黜忠賢便消陰禍漣亦首肯曰吾蓄此
志久矣議定而漣疏上先臣因以大義責輔
臣輔臣畏逆璫兇譖遷就不決乃巧趨捷徑
者借先臣爲贄獻媚逆璫謂楊漣二十四罪
疏屬先臣代草夫漣忠憤有素先臣寧以此
居功但同心除慝捐軀赴義實與共之所以
忠賢恨先臣最深始閑住繼爲民旋又矯
旨被逮之日邏卒遍布或疑先臣死於家先

公天册筆 卷三
臣曰我不怖死必就獄以明志於是從容赴
難慷慨賦詩有一死無餘事 三朝未報恩
之句逮下鎮撫許顯純授意獄卒先臣手上
比諸臣獨加一杻實仇其代草也鞫時顯純
考曰你江南才子如何與楊左往來幹此通
天大事先臣曰漣爲常熟令即相傾蓋光斗
爲同年幸同臭味何能不往來實不知何爲
通天大事又考曰你賊私從實招出先臣曰
翰林冷局又素守清節賊 處得來顯純

兩問語塞因受榜笞極其嚴酷三次鍛鍊骨
節盡斷膚肉不留先臣並不作淒楚聲但曰

二祖

十宗有靈臣死不恨因誣坐贓三千家貧路遙
不能應限顯純隨授內意僅十有八日先諸
臣斃于獄旅櫬還家未及停棺追贓符下承
望風旨且監且責勒限追比破產不足連及
親故又不足本府推官劉興秀見臣囚首控
哀不勝惋惜捐俸倡助僅而克數不然臣已

斃於箠楚之下矣酷哉忠義之受禍也先臣
少獲文譽名播海內晚而登第立朝僅六
七年且官非臺諫職無事權假令稍為依回
循資而進在今日已躋清華得事

明主惟是一生忠蓋直欲為國家寢奸於未
成而勢不從心死而後已寧為愚為拙必不
為媚為奸耿耿之忠真足以貫白虹而耀青
史臣不敢一字緣飾謹備陳顛末仰塵

睿覽念先臣之受慘禍實與楊漣事體相連天

下共知而孤忠未達公論猶鬱臣所以痛心

搏顙籲

天而呼也懇乞

皇上特加憐憫准照楊漣周順昌魏大中等事
例賜額建祠早定易名之典使天下曉然
知詞臣內忘身殉節繼劉忠愍而起者獨有
先臣一人實風勵人心之大端也又臣母李
氏備嘗辛苦更遭多難并乞

皇上照大明會典例給與新銜誥命是

皇上晉錫類之仁而臣世世效斲結者也臣無
任哀號待命之至

崇禎元年十月 日奉

聖旨繆虛白爲父繆昌期奏謝知道了昌期忤
奸賈禍慘死可憫已經贈廕還與他謚及妻
李氏新銜誥命該部知道

原任吏部文選司員外郎今贈太常寺卿
周順昌男生員周茂蘭奏爲孤忠已被
恩褒沉寃尚未剖析謹控籲號 天懇報
父仇以彰 國法疏

臣父順昌中萬曆四十一年進士始仕福州
府推官勺水自嘗纖塵不染值稅監高家擅
行威福臣父不屑一見時有監司假名調停
實左右之致變羈囚恬不知恥者臣父鄙之
每事相左幾爲其所中幸公道彰明得入銓

署計供職十有五年弊絕風清未嘗受一粒
一緡即尋常一竿牘謹勿輕投退食之餘惟
與同鄉一二相知切靡道義而已壬戌之受
事署銓政與一科道不合拂衣竟歸歸裝惟
有布被一牀殘書數卷抵家杜門半刺不入
公府正色力持者獨鄉紳大體至地方利弊
猶嘔心區畫以其身隱係維桑之重迨逆璫
煽禍臣父攢眉扼腕恨不從楊漣諸臣後請
尚方之劍會科臣魏大中逮過吳門臣父痛

其介特孤蹤橫羅羅網問及身後遂與締婚
舟次憂危談及中朝事輒拍案怒罵緹騎

還京具告逆璫痛恨

臣

父不減楊漣大中五

虎倪文煥矐璫微指首先操戈而

臣

父削籍

矣前此撫臣毛一鷺多炎涼市態

臣

父微致

反唇一鷺遂從杭州敦請織監李實至蘇州

促膝獻計更有同鄉破甑希進之人借

臣

父

以媚文煥殺機旣發罪罟斯張而

臣

父逮矣

逮命旣至萬人憤攻爭毆得殺

臣

父者而甘

心焉乃緹騎反逞咆哮愈于眾怒洶然一聲攘臂四起臣父大咤疾呼謂爾曹不散吾先觸死知府寇慎知縣陳文瑞更委曲理論稍解去臣父身赴詔獄訊鞫之日奮詞慷慨聲徹棘林致肌骨為糜指膜俱裂活剝生掇立刻追命種種楚毒獄吏傳示外人與臺省形之章奏皆以臣父氣更壯語更烈死亦更慘臣言及此腸如攢刺痛慕號泣一字不能矣尤可恨者當日開讀起變疾召風雨若撫

按直據情形連章入告逆璫或能悔禍乃抹殺公論主在周順昌植黨附邪仰干

聖怒向與諸人互相標榜習氣高自矜詡陰承漏網之旨明種株連之禍何忍心辣手至此顏佩韋等五人駢首就戮其臨刑痛罵者為誰迄今在人齒頰也臣父身死追贓矣窮無

抵措藉親故捐俸捐貲勉完三千之數恭遇聖明御極逆黨次第殲夷當年挑釁攢謀之人借桐封以頌忠賢甘入幕以悅文煥者皆倖

逃指摘臣本欲暢言之而上有朝論下有鄉
評且因臣父生平嫉惡而宅心忠厚臣姑隱
忍以承先臣之遺教獨文煥以責治門軍開
罪逆璫一攻臣父其寵屢不下崔呈秀倏而
順天巡按倏而河南掌道遂以元功受上賞
不得不爲剪艸除根之計而一鷺輩又捷投
之此臣父所由殞身畢命而臣三年立廷臥
苦嘗膽誓不與諸奸戴履

天地者聞文煥在 鼎湖之際首先効功贊成

不軌真

九廟神靈所必殛而一鷺頌璫建祠罪狀具在
豈容以溘先首丘免其追削伏乞

勅下部院將新提到倪文煥照崔呈秀田爾耕
等斬首弃之西市俟遺孤得分鬻濺血呼告
先靈并將毛一鷺盡法被戮以爲戕賊賢士
大夫者之戒則復仇之義稍伸臣即下從臣
父永無憾矣臣無任痛哭待

命之至

公... 卷二
崇禎元年十二月十五日奉

聖旨周茂蘭所奏事情知道了倪文煥既已解
到着究擬正罪毛一鷺媚奸建祠本當追究
姑念已故不必再求血書原非奏體以後悉
行禁止該衙門知道

維

崇禎二年歲次己巳四月己巳朔越九日
乙未不孝孤子繆虛白袁勳周茂蘭左國
柱周命寧魏學濂周彥陞等因

今皇帝登極優卹死事賜贈廕祭葬或更賜祠
賜謚孤等上疏陳情亦並蒙嘉納孤等始
得各持酒一樽飯一盂香一炷紙一束同
造鎮撫司前并爲楊之易等具祭而哀
告曰此地何地乃人子在此哭父天乎痛哉

孤等於

府君未歿不能救既歿不能殉即有時痛不欲生然亦究竟不能死自羞自恨正無顏對吾

府君冥冥中而向每過此足不能前含淚悲想以爲此門之內便當是明心堂吾

府君受拶受夾受棍於此堂之旁便當是獄吾

府君血流肉爛蠅嘍蛆攢鑽頭凌虐從而摺

殺於此又轉出此衛之後則見生穴扁於穢污中爾時孤等雖習於不孝總無計頑此心矣天乎痛哉今日所以相率哭祭又非爲下招歸來也忠魂義魄蚤隨

二祖

列宗在

帝左右而孤等一腔積血嗚咽未洒

聖恩浩蕩使孤悲從痛生抑又泣從感下

靈爽不昧當知諸孤不孝亦嘗來此哭祭而

三年之內并哭亦不敢今得而來此又爲
誰之

深恩

府君其識之矣天乎痛哉尚

饗



